

2. Խ. ԴԱՐՔԻՆՅԱՆ

ԿՈՄԻՆՏԵՐՆԻ ՀԱՄԱՐ Վ. Ի. ԼԵՆԻՆԻ ԵՎ ԲՈՒՇԵՎԻԿՆԵՐԻ ՄՂԱԾ ՊԱՅՔԱՐԻ ՊԱՏՄՈՒԹՅՈՒՆՆԵՐԸ

(1917 թ. փետրվար—1917 թ. սեպտեմբեր)

Համաշխարհային պրոլետարիատի շահերը պահանջում էին ստեղծել միայնակի կազմակերպություն, որն ի վիճակի լիներ կազմակերպել և ղեկավարել բանվոր դասակարգի պայքարը՝ բուրժուազիայի դեմ մղվող պայքարում։ Այդպիսի կազմակերպություն հանդիսացավ 1864 թ. Մարքսի և Էնգելսի կողմից ստեղծված Առաջին ինտերնացիոնալը, որը հսկայական դեր խաղաց մարքսիզմի տարածման, սոցիալիզմը բանվորական շարժման հետ միացնելու գործում։

1889 թ. ստեղծվեց II ինտերնացիոնալը, որը, սակայն, առաջին համաշխարհային պատերազմի հենց սկզբին կրախի ենթարկվեց։ Նրանում տիրապետող դիրք գրավեց սոցիալ-շովինիզմը, որի նպատակն էր բանվոր դասակարգի շահերը ենթարկել բուրժուազիայի շահերին։ Սոցիալիզմին հավատարիմ մնացած բոլշևիկյան կուսակցությունը և առանձին երկրներում եղած ձախ խմբերը պատերազմի տարիներին ոչ միայն ակտիվ պայքար սկսեցին պատերազմի և սոցիալ-շովինիզմի դեմ, այլ միաժամանակ պայքար սկսեցին հանուն նոր, հեղափոխական, կոմունիստական ինտերնացիոնալի։ Դրա առաջին քայլը հանդիսացավ ցիմմերվալդյան խմբավորման ստեղծումը¹, ուր շուտով տիրապետող դիրք գրավեցին ցենտրիստները, սոցիալ-պացիֆիստները, որոնք միայն խոսքով էին ընդունում պրոլետարիատի ազատագրություն համար պայքարի անհրաժեշտությունը, իսկ իրականում վարում էին նույն սոցիալ-շովինիստական քաղաքականություն։

1916—1917 թթ. ցիմմերվալդյան ձախերի ազդեցությունը բավականին աճեց։ Ցիմմերվալդյան ձախերի շահերի արտահայտիչներն էին Գերմանիայում՝ „Lichtstrahlen“ (Վոլյսի ճառագայթներ), „Arbeiterpolitik“ (Բանվորական քաղաքականություն), անլեգալ „Spartakusbriefe“ (Սպարտակի նամակներ), Շվեյցարիայում՝ „Die freiejugend“ (Ազատ երիտասարդություն), „Voix des jeunes“ (Երիտասարդության ձայն), „Jugend Internationale“ (Ինտերնացիոնալ երիտասարդություն), „Le sentinelle“ (Ժամապահ), Շվեդիայում՝ „Stornkloken“ (Ահազանգ), „Politiken“ (Քաղաքականություն), Նորվեգիայում՝ „Klassenkampf“ (Դասակարգային պայքար), Անգլիայում՝ „Call“ (Կոչ), ԱՄՆ-ում՝ „The Internationalist“ (Ինտերնացիո-

¹ Ցիմմերվալդյան խումբը ստեղծվեց 1916 թ. Ցիմմերվալդի կոնֆերանսում և ավելի ամրապնդվեց Կինտալի կոնֆերանսում։

նախատառ), Հռոմանդիայում՝ „The tribunau“, Լեհաստանում՝ „Gorata Robot-nieze“ և ուրիշներ:

Ռուսաստանում տեղի ունեցած փետրվարյան հեղափոխությունը հակա-յական շափով ազդեց միջազգային պրոլետարիատի շարժման հետագա զարգացման վրա, խթան հանդիսացավ հեղափոխական հզոր վերելքի համար՝ ընդդեմ պատերազմի և «իրենց» իմպերիալիստական կառավարությունների ռեակցիոն քաղաքականության: Շվեյցարիայի բանվորներին գրած հրաժեշտի նամակում, 1917 թ. ապրիլին, Վ. Բ. Լենինը գրում էր, որ «հեղափոխության ալիքներն արագորեն կսրբեն այս կելտուս փրփուրը՝ համաշխարհային բանվորական շարժման վրայից»², կսրբեն Շվեդեմաններին, Լեզիններին, Սամբաններին, Գեդերին և նրանց նմաններին: Հեղափոխության ազդեցության ներքո բանվորական շարժման փոթորիկն անցավ ողջ Եվրոպայով: Գերմանիայում ամենուրեք տեղի էին ունենում հեղափոխական ելույթներ՝ Համբուրգում, Հան-նովերում, Հալլեում և մյուս խոշոր բանվորական կենտրոններում: «Սպարտակ» խմբի կողմից հրապարակված «Կարմիր վտանգը» թուղթիկում ասվում էր. «Ռուսաստանում մարտյան հեղափոխության փոթորիկը սրբեց ցարիզմը և պետք է հուսալ, որ այն վերջ կտա նաև շարունակվող պատերազմը»³ և կոչ էր արվում գերմանական պրոլետարիատին՝ հետևելու ռուսական բանվոր դատակարգի օրինակին: Ռուսական հեղափոխության ազդեցության ներքո և հանուն նրա պաշտպանության գործադուլային և հեղափոխական շարժումներ էղան Ֆրանսիայում, Իտալիայում, Անգլիայում, Հունգարիայում, Բուլղարիայում և մյուս երկրներում: Ամենուրեք պայքար էր մղվում իմպերիալիստական պատերազմը քաղաքացիականի վերածելու համար:

«Իմպերիալիստական պատերազմը, այսինքն՝ կողոպտված ավարտ կապիտալիստների միջև բաժանելու,—գրում էր Վ. Ի. Լենինը,—թույլ ժողովուրդներին խեղդելու համար մղվող պատերազմը սկսել է վերածվել քաղաքացիական պատերազմի, այսինքն՝ կապիտալիստների դեմ բանվորների պատերազմի, իրենց ճնշողների դեմ, ցարերի ու թագավորների դեմ, կալվածատերերի ու կապիտալիստների դեմ մղվող աշխատավորների ու ճնշվածների պատերազմի, մարդկությունը պատերազմներից, մասսաների աղքատությունից, մարդու կողմից մարդու ճնշումից լիովին ազատագրելու համար մղվող պատերազմի»⁴:

Ելնելով այն հանգամանքից, որ հեղափոխական շարժումներն ամենուրեք վերելք էին ապրում, որ հեղափոխական ինտերնացիոնալիստները մեծ ուժ էին դարձել, որ սոցիալ-շովինիզմը իրեն վերջնականապես խայտառակել էր, իսկ ցիմմերվալդյան մեծամասնությունը՝ կաուցկիականները խանգարում էին պրոլետարիատի համախմբմանը, Վ. Բ. Լենինը հզրակացրեց, որ այժմ արդեն բոլոր պայմանները հասունացել են հեղափոխական նոր Ինտերնացիոնալ ստեղծելու համար:

Բոլշևիկյան կուսակցության 1914 թ. նոյեմբերի լոզոնգը՝ իմպերիալիստական պատերազմը քաղաքացիականի վերածելու մասին, թշնամանքով ու շարամիտ ծաղրով դիմավորեցին սոցիալ-հայրենասերները, իսկ «կենտրո-

² Վ. Ի. Լենին, Երկեր, հ. 23, էջ 497:

³ Э. Дран и С. Леонард, Подпольная литература революционной Германии за время мировой войны. М., изд. «Красная Новь», 1924, стр. 91.

⁴ Վ. Ի. Լենին, Երկեր, հ. 23, էջ 466:

նի» սոցիալ-դեմոկրատները՝ թերահավատությամբ, կասկածամտությամբ և անհաստատական-սպասողական լուծությամբ: Գերմանական սոցիալ-շովինիստ, սոցիալ-իմպերիալիստ Դավիդըն այդ լուզունգն անվանեց «խելագար», իսկ Պլեխանովն՝ ցնորք-ֆարս (mittelding zwischen traum und komödie)...

«Այժմ, 1917 թ. մարտից հետո, միայն կույրը կարող է շտեմել, որ այս լուզունգը ճիշտ է: Իմպերիալիստական պատերազմը քաղաքացիական պատերազմի վերածելը փաստ է դառնում»⁵: Վ. Ի. Լենինը ընդգծում էր, որ Ցիմմերվալդը կրախի կենթարկվի և առաջարկում էր անհապաղ ստեղծել նոր ինտերնացիոնալ, նշելով, որ այն առերես գոյություն ունի՝ հանձին «ցիմմերվալդյան ձախի»: ԻՍՀ-ին⁶ ուղարկած դիմումի թեզիսների սեագիր ուրվագծում, արդեն 1917 թ. հունվարի 7-ին նա նշում էր, որ «Ցիմմերվալդյան մեծամասնությունը կամ ցիմմերվալդյան աջն ամբողջովին շրջվել է ոչ թե սոցիալ-շովինիզմի դեմ պայքարելու, այլ դեպի բոլոր դիրքերի հանձնում, դեպի միաձուլում նրա հետ՝ դատուրկ պացիֆիստական ֆրազների պլատֆորմավ»⁷:

Ցենտրիստները շարունակում էին մնալ իրենց դիրքերում և մտադիր էին սոցիալ-հայրենասերների հետ միասին վերականգնել II Ինտերնացիոնալը: 1917 թ. հունվարին գրած «Պատերազմի և իրենց կառավարությունների կողմնանցած սոցիալիստների դեմ պայքարին աջակցող բանվորներին» կոչում Վ. Ի. Լենինը ցույց էր տալիս, որ ցիմմերվալդյան աջը Կինտալից հետո մի շարք խոշորագույն երկրներում՝ Ֆրանսիայում, Բերմանիայում, Իտալիայում լիովին և ամբողջովին զրոյվել է դեպի Կինտալում դատապարտված ու մերժված սոցիալ-պացիֆիզմը⁸:

Պրոլետարիատի հեղափոխական պայքարին՝ պատերազմի և կապիտալիզմի դեմ, որի անհրաժեշտությունը ընդունվել էր և հռչակվել Ցիմմերվալդում ու Կինտալում, դավաճանեց ցիմմերվալդյան մեծամասնությունը և այն դարձավ իրենց սոցիալ-պատրիոտիզմը և բուրժուական ռեֆորմիզմը ծածկելու շիրմա: Ցիմմերվալդյան մեծամասնության ամոթալի տատանումները և հրաժարումը կարևորագույն, պրակտիկորեն որոշող հարցերից, նրան կանգնեցրին կրախի ենթարկվելու փաստի առաջ: Ստեղծված իրադրության մեջ աջակցել ցիմմերվալդյան մեծամասնությանը, Վ. Ի. Լենինը հանցագործություն էր համարում: Նա գտնում էր, որ հասել է ժամանակը, հասունացել են բոլոր պայմանները, սկսելու պայքարը նոր ինտերնացիոնալ ստեղծելու համար: Իսկ մարտի 5-ին՝ Կոլոնիային գրած նամակում նա ընդգծում էր, որ «...Ցիմմերվալդը» ակնհայտորեն սնանկացել է, և լավ խոսքը կրկին ծառայում է նեխվածքը քողարկելու համար: Ցիմմերվալդյան մեծամասնությունը, այդ Տուրանտին և ընկ. Կաուցկին Լեդբուրի, Meerheim-ի հետ—բոլորը անցել են սոցիալ-պացիֆիզմի դիրքը, որն այնքան հանդիսավորապես (և այնքան անպտուղ) դատապարտվեց Կինտալում»¹⁰: Հենց այդ ժամանակ, երբ

5 Վ. Ի. Լենին, Երկեր, հ. 23, էջ 498:

6 ԻՍՀ — Ինտերնացիոնալ սոցիալիստական հանձնաժողով. ստեղծվել էր Ցիմմերվալդյան առաջին կոնֆերանսում որպես ցիմմերվալդյան խմբի ղեկավար օրգան:

7 Վ. Ի. Լենին, Երկեր, հ. 23, էջ 283:

8 Տե՛ս «Борьба большевиков за создание Коммунистического Интернационала» (сб. документов), М., 1933 г., էջ 68—75:

9 Տե՛ս Центральный партийный архив Института марксизма-ленинизма (ЦПА ИМЛ), ф. 17, оп. 14, ед. хр. 20624:

10 Վ. Ի. Լենին, Երկեր, հ. 35, էջ 319:

բուրժուազիան, որպեսզի փրկվի հեղափոխությունից և ամրապնդի իր ռազմական քաղաքականությունը, պատրաստվում էր զինաթափել պրոլետարիատին և պացիֆիստական ֆրազների քողի տակ (սոցիալ-շովինիստական և կաուցկիական) աշխատում էր զինվորներին ռազմաճակատի խրամատներից վերադարձնելուց հետո դարձնել կապիտալիստական ֆաբրիկայի կցորդ, բուշակյան լողունգը՝ իմպերիալիստական պատերազմը քաղաքացիականի վերածելու մասին, ձեռք էր բերում հակայական ու հատուկ նշանակություն ունեցող պայում ստեղծվել էր հեղափոխական ճգնաժամ։ Օրակարգում դրվել էր պրոլետարական ուժերի անմիջական կազմակերպման և ղեկավարման հարցը՝ կապիտալիստական կառավարությունների վրա ճնշում գործադրելու և այն տապալելու համար։ Այսպիսի պայմաններում, ցիմմերվալդյան բլոկը, որի մեջ մեծ տեղ էին գրավում հին ինտերնացիոնալի տատանվող տարրերը, արգելք էր հանդիսանում միջազգային բանվորական շարժման հետագա զարգացման համար։

Փետրվարյան հեղափոխությամբ ցիմմերվալդյան բլոկի մեջ առաջ եկած ճեղքն ավելի խորացավ։ Բեռնի արտակարգ նիստում, որին մասնակցում էին Շվեյցարիայում գտնվող արևմտա-եվրոպական և ռուսական ցիմմերվալդականները, «չերմ կոչ» մշակվեց ուղղված ամբողջ աշխարհի աշխատավորական մասսաներին, գլխավորապես պատերազմող երկրների աշխատավորներին»¹¹, «կամ հեղափոխությունը կսպանի պատերազմը, կամ պատերազմը կսպանի հեղափոխությունը» — ասվում էր նրանում, կոչ էր արվում պրոլետարիատին՝ պայքարել դեմոկրատական հաշտության և հեղափոխության համար, որովհետև «ռուսական պրոլետարիատի պայքարը ռուսական տիրող դասակարգերի դեմ, հանդիսանում է պայքար նաև պատերազմի դեմ։ Հաշտություն կամ հանրապետություն, կամ պատերազմի և հակահեղափոխության շարունակում, ահա այն երկրներանքը, որի լուծումը կախված է համաշխարհային պրոլետարիատից»¹²։ Մյուս երկրներում սկսել բանվորական ելույթները, նշանակում է օգնել ռուսական պրոլետարիատին։ Ռուսաստանում կատարվող դեպքերը պահանջում են հեղափոխական մասսայական պայքար հանուն հացի, հանուն ազատության, հանուն հաշտության¹³։

Սակայն այս փոքրիկ փաստը չի նշանակում, որ իրոք ցիմմերվալդյան մեծամասնությունը շահագրգռված էր հեղափոխության հաջողությամբ։ Եվ իզուր չքանում Ա. Բալարանովան հավատացնել, թե իբր ԻՍՀ-ը իր գործունեությամբ ցանկանում էր օգնել ռուսական պրոլետարիատին, և հենց դրա համար էլ իբր որոշվեց ԻՍՀ-ը Բեռնից տեղափոխել Ստոկհոլմ՝ Ռուսաստանին ավելի մոտ լինելու համար։

Սակայն ցիմմերվալդյան մեծամասնությունը վարակվել էր սոցիալ-պացիֆիզմով և հենց ինքը պայմաններ առաջացրեց պառակտման համար, դրանով իսկ առաջնակարգ պլան մղելով ձախերի միավորման հարցը։ Այդ կապակցությամբ 1917 թ. մարտին Վ. Ի. Լենինը գրում էր. «Նույն սոցիալիզմի, իսկապես հեղափոխական մարքսիզմի ծրագրի ու տակտիկայի և ոչ թե գարշելի կաուց-

¹¹ Анжелика Балабанова, Из личных воспоминаний нуммервальдца, изд. «Книга», М., 1925 г., էջ 98։

¹² O. H. Gankin and H. H. Fisher, The Bolsheviks and the world war, London, 1940 y, p. 612.

¹³ Տե՛ս նույն տեղում։

կիականության հարցն է ամենուրեք դրված օրակարգում»¹⁴։ Զախ սոցիալ-դեմոկրատները, որոնք իրենց մեջ ներառում էին բանվոր դասակարգի լավագույն, առաջավոր, հեղափոխական տարրերին, սակայն կազմակերպված չէին աշխատել, ինչպես բոլշևիկները։ Ցույց տալով բոլշևիկների հոգևոր ու քաղաքական պարտականությունը ձախերի միավորման հանդեպ, Վ. Ի. Լենինը անում էր ամեն հնարավորը, որպեսզի օգնի նրանց՝ հաղթահարելու կաուցկիական սխալները, ամուր կանգնելու հեղափոխական մարքսիզմի ուղու վրա։ Այսպես՝ իմանալով, որ շվեդական ձախերը մայիսին հավաքվելու են «ցիմմերվալդյան սկզբունքներով» ինքնուրույն կուսակցություն ստեղծելու համար, Վ. Ի. Լենինն անմիջապես նամակ է ուղարկում Ստոկհոլմում գտնվող Ա. Ս. Կոլոնթային՝ շվեդական ձախերին օգնելու խնդրանքով. «Նախապես հասկանալ սոցիալ-պացիֆիզմի և կաուցկիականության ամբողջ ստորությունը, օգնել նրանց՝ հասկանալու ցիմմերվալդյան մեծամասնության ամբողջ զարշխիությունը, օգնել նրանց մշակելու իրենց նոր պարտիայի համար լավ ծրագիր ու տակտիկա»¹⁵։

Փետրվարյան հեղափոխությամբ օրակարգում դրվեց քաղաքացիական պատերազմի լուղունգը. «Ռուս բանվորներին պատիվ ու երջանկություն է բաժին ընկել՝ առաջինն սկսել ռևոլյուցիան,— գրում էր Վ. Ի. Լենինը,— այսինքն՝ ճնշողների դեմ ճնշվողների մեծ, միակ օրինական և արդարացի պատերազմը»¹⁶, օբյեկտիվ պատմական պայմանները ռուսական պրոլետարիատին դարձրին հեղափոխական առաջավոր մարտիկ։ Նա հսկայական էներգիա ծախսեց և նրա կուսակցությունը, որը հնարավորություն ստացավ աշխատելու այնուհետև լեգալ պայմաններում, դարձավ միջազգային պրոլետարական, հեղափոխական ուժերի ձգողական կենտրոնը, նոր՝ կոմունիստական ինտերնացիոնալի ստեղծման համար պայքարի նախաձեռնողը։ Հենց որ առաջին հաղորդումը հասավ Շվեյցարիա, Վ. Ի. Լենինը ցիմմերվալդյան բլոկի բյուրոյի ձախ անդամների առաջ խնդիր դրեց՝ անմիջապես դուրս գալ ցիմմերվալդյան բլոկից։ Ցիմմերվալդյան միավորումն սպառել էր իրեն և Վ. Ի. Լենինն անթույլատրելի էր համարում պատրանքներ սերմանել բանվորների մեջ, թե իբրև հնարավոր է շարունակել աշխատանքը կաուցկիականների հետ կողք-կողքի։ Հակառակ Վ. Ի. Լենինի, Զինովևը և Ռադեկը պնդում էին, որ չպետք է դուրս գալ Ցիմմերվալդից, բայց միաժամանակ գտնում էին, որ Մարտովի հետ չպետք է ստորագրել որևէ կոչի տակ¹⁷։ Չհասկանալով ստեղծված իրադրությունը և ցիմմերվալդյան միավորման փաստացի կրախը, Զինովևն ու Ռադեկը շարունակում էին մնալ դրիմյան ցիմմերվալդում, դրանով մեծ վնաս հասցնելով աճող հեղափոխական շարժմանը, արգելակելով պրոլետարական ինտերնացիոնալի ստեղծմանը։ Ցիմմերվալդյան բլոկից դուրս գալու և նոր ինտերնացիոնալ ստեղծելու հարցը Վ. Ի. Լենինը Ռուսաստան վերադառնալուց¹⁸ հետո կրկին դրեց։

1917 թ. մարտի 16-ին Կոլոնթային գրած նամակում Վ. Ի. Լենինը ընդգրծում էր. «Ոչ մի դեպքում նորից երկրորդ ինտերնացիոնալի տիպի։ Ոչ մի դեպք»

14 Վ. Ի. Լենին, Երկեր, հ. 35, էջ 315։

15 Վ. Ի. Լենին, Երկեր, հ. 35, էջ 314, կամ ЦПА ИМЛ, ф. 17, оп. 14, ед. хр. 20616, 20624.

16 Վ. Ի. Լենին, Երկեր, հ. 23, էջ 466։

17 Сб'ю «Энциклопедический словарь Гранат», т. 41—II, էջ 162—163։

18 Այդ գործում ռուս էմիգրանտներին մեծ օգնություն ցույց տվեց Ֆրից Պլատներ։

Դում Կառուցվում հետո Անպայման ավելի հեղափոխական ծրագիր և տակտիկա (ներառելով նաև ռևոլյուցիոն Կ. Լիբկնեխտը, Ս. Ռ. Ք.-ն Ամերիկայում, հունդական մարքսիստները և այլն) և անպայման լեգալ աշխատանքի միացում անլեգալի հետ»¹⁹։

Ապրիլի 17-ին բանվորների, գինվորների գեպուտատների սովետների բոլշևիկ գեպուտատների համառուսական խորհրդակցությունում արտասանած ճառում Վ. Ի. Լենինը խոսում էր հեղափոխական ինտերնացիոնալիստների ցիմմերվալդյան խմբավորման մեջ հետագա մնալու անպատակահարմարության մասին, քանի որ այնտեղ տիրապետող էին դարձել ցենտրիստները։ Դրա հետ միաժամանակ նա ընդգծում էր բոլշևիկների պատրաստակամությունը՝ իրենց ձեռքը վերցնելու նոր Ինտերնացիոնալ ստեղծելու նախաձեռնությունը, ստեղծելու մի այնպիսի Ինտերնացիոնալ, որը կպայքարի սոցիալ-շովինիստների ու «կենտրոնի դեմ»²⁰։ Ցիմմերվալդյան մեծամասնության օպոզիցիոն վարքագծի լենինյան մերկացումը հսկայական դեր խաղաց որոշ բոլշևիկների տատանողական վարքագիծը հաղթահարելու համար, որոնք ձգտում էին միավորվել մենշևիկների հետ՝ ցիմմերվալդյան պլատֆորմի հիման վրա։

Վ. Ի. Լենինի Ռուսաստան վերադառնալուց երկու օր անց տեղի ունեցած կուսակցական աշխատողների համառուսական (մարտյան) խորհրդակցությունը Մենշևիկների հետ միավորվելու առաջարկով հանդես եկավ Ի. Վ. Ստալինը։ Նա ընդգծեց, որ դա հնարավոր է «ցիմմերվալդ-կինտալ գծով»²¹, չնայած այն բանին, որ Վ. Ի. Լենինը դեռ 1916 թ. հոկտեմբերին կատեգորիկ կերպով նշել էր, «Հաշտարարությունը և միասնացումը Ռուսաստանում բանվորական պարտիայի համար ամենավնասակար բանն է, ոչ միայն ապուշություն է, այլև պարտիայի կոռուպցիոն։ Որովհետև «միավորումը» (կամ հաշտեցումը և այլն) Չխեիձեի և Սկոբելևի հետ (ներառյալ մեջ է նաև ինքն, որովհետև նրանք իրենց ներկայացնում են որպես «ինտերնացիոնալիստներ») — իրականում «միասնություն» է կազմակերպի հետ, իսկ նրա միջոցով Պոտրեսովի և Ընկ. հետ, այսինքն իրականում լակեյություն է սոցիալ-շովինիստների առջև։ Եթե Տրոցկին և Ընկ. այդ չեն հասկացել, ավելի վատ նրանց համար»²²։

Այդ միտքը Վ. Ի. Լենինը ընդգծում էր պատերազմի ողջ ընթացքում և առանձնապես փետրվարյան հեղափոխությունից հետո։ Վերադառնալով հայրենիք, նա իր ամբողջ ուժերը լարեց այդ խնդիրն իրագործելու համար, հայտարարելով, որ ցիմմերվալդում այլևս մնալ հնարավոր չէ։ «Ավելի լավ է մնալ երկուսով, ինչպես Լիբկնեխտը — և այդ նշանակում է մնալ հեղափոխական պրոլետարիատի հետ, — քան թեկուզ մի րոպե մտածել Կազմկոմի կուսակցության, Չխեիձեի ու Սերեթելու հետ միավորվելու մասին, որոնք հանդուրժում են Պոտրեսովի հետ կնքած բոլոր «Рабочая газета»-ում²³, որոնք քվեարկում են հօգուտ ռազմական փոխառությունների և գլորվել են դեպի «պաշտպանողականությունը»։ Այս նույն խորհրդակցությունում, որին մասնակցում էին նաև Ռուսաստան ժամանած Գրիմմը, Բալարանովան և Ռակով-

19 Վ. Ի. Լենին, Երկեր, հ. 35, էջ 320։

20 Տե՛ս Վ. Ի. Լենին, Երկեր, հ. 36, էջ 511։

21 Протоколы Всероссийского (мартовского) совещания партийных работников, Вопросы истории КПСС, 1962 г., № 6, էջ 139։

22 Վ. Ի. Լենին, Երկեր, հ. 35, էջ 247։

23 Վ. Ի. Լենին, Երկեր, հ. 24, էջ 84։

սկին, նշվեց, որ Յիմմերվալդի հերթական խնդիրը հանդիսանում է միասնական պլատֆորմի մշակումը, կապված Ստոկհոլմում բացվելիք խաղաղության կոնֆերանսին վերաբերմունք ցույց տալու հետ: Արդեն նախկինում որոշվել էր, որ կոնֆերանսից երեք օր շուտ (Կինտալի որոշման համաձայն) պետք է հրավիրվի ցիմմերվալդյան նոր կոնֆերանս: Այս խորհրդակցությունը փաստորեն ցիմմերվալդյան կոնֆերանսի նախապատրաստման ճանապարհին առաջին քայլն էր: Խորհրդակցությանը բոլշևիկներից մասնակցում էին Լենինը, Ջինովևը, Կամենևը, Ստալինը, մենշևիկներից՝ Մարտովը, Մարտինովը, Բինշտոկը, Լարինը, Բունդից՝ Աբրամովիչը, էսեններից՝ Նաթանսոնը, մեծոռյոնցիներից՝ Ռյազանովը, Ռերիցկին, Լեհաստանից՝ Գանեցկին, Լապինսկին²⁴: Խորհրդակցությունում երկու հոսանք ստեղծվեց: Առաջինի մեջ մտան Լենինը, Ջինովևը, Տրոցկին, Ռյազանովը, Կամենևը, Բալաբանովան: Այս խումբը դեմ էր ամեն տեսակ համասոցիալիստական կոնֆերանսի մասնակցելուն, ընդ որում բոլշևիկյան ԿԿ-ի ներկայացուցիչները հայտարարեցին, որ իրենց ներկայացրած ֆրակցիան դուրս կգա Յիմմերվալդից, եթե նա որոշի մասնակցել Ստոկհոլմի խաղաղության կոնֆերանսին: Նրանք պահանջեցին, որպեսզի ԻՍՀ-ը մի մանիֆեստ ընդունի, որտեղ խիստ պետք է դատապարտվեն իմպերիալիստական կառավարությունների մեջ մտած սոցիալիստները: Մյուս հոսանքի ներկայացուցիչները՝ Մարտով, Մարտինով, Աբրամովիչ և ուրիշներ, գտնում էին, որ նման մանիֆեստ հնարավոր չէ հրապարակել բոլոր ցիմմերվալդականների անունից:

Վ. Ի. Լենինը Յիմմերվալդից դուրս գալու հարցն էլ ավելի սրությամբ գրեց ապրիլյան հռչակավոր թեզիսներում: Նա ընդգծում էր, որ անհրաժեշտ է հիմնել նոր, III Ինտերնացիոնալ, պրոլետարական, լիբկնեխտյան Ինտերնացիոնալ, որը թշնամի է սոցիալիզմի դավաճաններին, սոցիալ-շովինիստներին և կենտրոնի տատանվողներին: Մերկացնելով Յիմմերվալդի հեղափոխական հնարավորությունների մասին եղած պատրանքները, Վ. Ի. Լենինը դրել է. «Յիմմերվալդյան ճահիճն այլևս չի կարելի հանդուրժել: Յիմմերվալդյան «կառուցկիականների» պատճառով չի կարելի այլևս պլեխանովների և շայդեմանների շովինիստական Ինտերնացիոնալի հետ կիսով չափ կապված մնալ: Անհապաղ պետք է կտրել կապերն այդ Ինտերնացիոնալից: Յիմմերվալդում պետք է մնալ միայն ինֆորմացիայի համար:

Հենց մենք, հենց այժմ, առանց հապաղելու պետք է հիմնենք սոց. հեղափոխական պրոլետարական Ինտերնացիոնալ, կամ ավելի շուտ՝ չվախենանք ի լուր ամենի խոստովանել, որ այն արդեն նիմնված է և գործում է»²⁵:

Ցենտրիստներն ու աջ օպորտունիստները ձգտելով արգելել Վ. Ի. Լենինի, բոլշևիկների քանքերը, որոշեցին Ստոկհոլմում հրավիրել ՄՍԲ-ի²⁶ նիստ, իբր թե հաշտության հարցը քննարկելու համար: Բայց նրանց նպատակն էր՝ համաձայնության գալ սոցիալ-շովինիստների հետ՝ II Ինտերնացիոնալը վերականգնելու համար: Այդ իրականացնելու պարտականությունն իր վրա վերցրեց հոլանդա-սկանդինավյան կոմիտեն, որի ներկայացուցիչ Բորգբյերգը 1917 թ. ապրիլին եկավ Պետրոգրադ: «Սոցիալիստ» Բորգբյերգի առաջարկու-

24 Տե՛ս А. Балабанова, Из личных восп. шим-ла, էջ 107—108:

25 Վ. Ի. Լենին, Երկեր, հ. 24, էջ 81—82:

26 ՄՍԲ-ի Միջազգային սոցիալիստական բյուրո, II Ինտերնացիոնալի ղեկավար օրգանը:

թյունը, որը փաստորեն գերմանական իմպերիալիստական կառավարության առաջարկն էր (նա հանգես էր գալիս գերմանական իմպերիալիզմի գործակալի դերում), հանդիսանում էր գերմանական իմպերիալիզմի ամենառեալ ու հրատապ քայլը այդ ժամանակաշրջանում, քանի որ վերջինս կանգնած էր պարտության փաստի առաջ: Գերմանական կառավարությունը սոցիալ-շովինիստների միջոցով փորձում էր համաձայնության գալ Անտանտի երկրների հետ²⁷: Ռուսական մենշևիկներն ու էսենները, որոնք ամեն կերպ արգելակում էին ռուսական հեղափոխության զարգացմանը, մեծ աղմուկ բարձրացրին Ստոկհոլմի նախապատրաստվող կոնֆերանսի շուրջը: Նրանք ձգտելով մասնակցել ժամանակավոր կառավարությանը, աշխատում էին իրենց «դաշնակցային» պարտքը կատարել դաշնակիցների հանդեպ: Այս հարցը քննարկվեց մեր կուսակցության հերթական՝ ապրիլյան 7-րդ կոնֆերանսում: Կոնֆերանսը սկզբունքորեն անթույլատրելի համարեց «մեր կուսակցության մասնակցությունը այն կոնֆերանսին, որտեղ մասնակցում են Բորգբերգը և Շայդեմանը, որովհետև հետև մեր խնդիրն է՝ համախմբել ոչ թե տարբեր իմպերիալիստական կառավարությունների ուղղակի կամ անուղղակի գործակալներին, այլ բոլոր երկրների բանվորներին, որոնք արդեն պատերազմի ժամանակ հեղափոխականորեն պայքարում են իրենց իմպերիալիստական կառավարությունների դեմ»²⁸:

Ապա բանաձևում նշվում էր, որ Ռուսաստանի պրոլետարական կուսակցությունը կհամաձայնվի խորհրդակցության գնալ և եղբայրական դաշինք կնքել մյուս երկրների միայն այնպիսի «բանվորական պարտիաների հետ, որոնք հեղափոխականորեն պայքարում են իրենց երկրում ևս ամբողջ պետական իշխանությունը պրոլետարիատի ձեռքը անցնելու համար»²⁹:

Հարցին բուլղարիկյան մոտեցում ցուցաբերեցին նաև գերմանական ինտերնացիոնալիստները Լիբկնեխտի գլխավորությամբ: Նրանց անունից Մերինդը Ջիսիձեին գրած նամակում ասում էր. «Մենք հրաժարվում ենք մասնակցելու ամեն մի կոնֆերանսի, ուր պետք է մասնակցի գերմանական սոցիալ-դեմոկրատական մեծամասնությունը (Շայդեմանի պարտիա): Նրան պետք է համարել ոչ թե սոցիալիզմի ներկայացուցիչ, այլ միայն գերմանական կառավարության ու նրա շահերի ներկայացուցիչ: Այդ «մեծամասնության» կոնֆերանսին մասնակցելը ծանր հարված կհասցնի ինտերնացիոնալ սոցիալիզմի զաղափարներին»³⁰: Ստոկհոլմի կոնֆերանսին դեմ արտահայտվեց նաև Ֆ. Ադլերը — դատարանում արտասանած ճառում, հայտարարելով, որ ավստրիական սոցիալ-դեմոկրատիայի ներկայացուցիչը Ստոկհոլմ է գնում ոչ թե որպես «ինտերնացիոնալի կողմնակից», այլ կառավարության կամակալողա՞ր: Ցավով, այդ կոնֆերանսը նախապատրաստում էին այնպիսի կազմակերպություններ, որոնք մասնակցել էին ցիմմերվալդյան կոնֆերանսներին: Միայն ձախերը դեմ էին դրան և կոչվում էին «մասնակցելու՝ կառավարական սոցիալիստների դիրքը քննադատելու և նրանց մերկացնելու համար»³²:

27 Տե՛ս Վ. Ի. Լենին, Երկեր, հ. 24, էջ 303—307:

28 ՍՄԿՊ-ն բանաձևերում և որոշումներում, Երևան, 1954, էջ 429—430, կամ «Социал-демократ» № 69, от 31 мая (13 июня) 1917 г.

29 «Социал-демократ» № 69, от 31 мая (13 июня) 1917 г. կամ ՍՄԿՊ-ն բանաձևերում և որոշումներում, էջ 431:

30 «Социал-демократ» № 69, от 31 мая (13 июня) 1917 г.

31 Տե՛ս նույն տեղում:

32 Նույն տեղում:

Հակառակ ձախերին, Ստոկհոլմի կոնֆերանսի լուրը մեծ ոգևորությամբ ընդունեցին սոցիալ-շովինիստները: Բուլղարական «Լայն» սոցիալ-դեմոկրատական կուսակցության օրգանը գրում էր. «Ուրախությամբ ողջունում ենք հունանդո-սկանդինավյան կոմիտեի կողմից հրավիրվող կոնֆերանսը: Խնդրում ենք հաղորդեք ճիշտ թվականը, թե երբ պետք է մեկնի մեր պատվիրակությունը, Յանկա Սակիզով»³³: Հունգարական սոցիալ-դեմոկրատական կուսակցության ներկայացուցիչը գրում էր. «Յանկալի կլինեք, որպեսզի կոնֆերանսը, որը հրավիրվում է ռուս ընկերների կողմից (Հունանդո-սկանդինավյան կոմիտեից այդ կոնֆերանսի հրավիրման նախաձեռնությունը անցավ Պետրոգրադի սովետի մենշևիկ էլեմենտների ձեռքը), իրագործվեր Հունանդո-սկանդինավյան կոմիտեի հետ միասին: Բայց եթե այդպիսի համաձայնություն չլինի, ապա հունգարական պատվիրակությունը միևնույն է, կմասնակցի կոնֆերանսին— Վալտեր»³⁴: Կոնֆերանսի նպատակը մեկն էր՝ հարություն տալ II Ինտերնացիոնալի մահացած մաքմին: «Известия»-ում տպագրված մի անանուն հոդվածում (1917 թ. հունիսի 16) նշվում է, որ II Ինտերնացիոնալի վերականգնումը («որ ցանկանում ենք մենք մեծ կրքոտությամբ»), «չի կարող լինել հասարակ վերաստեղծումն այն Ինտերնացիոնալի, չի կարող լինել վերականգնումն այն խարխված շենքի, չի կարող լինել ինչ-որ համաձայնություն Հայդմանի, Վանդերվելդի և Թոմայի միջև մի կողմից և Շայդեմանի, Ռենների միջև մյուս կողմից, չի կարող լինել վերականգնումն սոցիալ հայրենասերների այն պլատոնական-պացիֆիստական միության, որը քայքայվել ու անուժ է դարձել պատերազմի ժամանակ, այլ նա պետք է լինի իսկապես նոր Ինտերնացիոնալ, պործողության Ինտերնացիոնալ, որի համար բանվոր դասակարգի միավորումը սրբազան գործ է»³⁵: Իդուր է հեղինակը ջանում գործն այսպես ներկայացնել, դա բացարձակ խաբեություն էր, մասսաների աչքերին թող փրչելու միջոց: Նրա ցանկացած Ինտերնացիոնալն այդ ճանապարհով ստեղծել, այսինքն վերականգնման միջոցով, հնարավոր չէր: Հոգվածի հեղինակը շարաշար սխալվում էր, կարծելով, թե Ստոկհոլմի կոնֆերանսը այդ ուղղությամբ մեծ գործ կարող էր կատարել:

Սակայն նա մոռանում էր, որ համաշխարհային պատերազմը ոչնչացրել էր եվրոպայի «սոցիալիստական պարտիաների 40-ամյա աշխատանքի արդյունքները: Նա ոչնչացրել էր պրոլետարական Ինտերնացիոնալը, եղբայրասպան մարտերի նետել նրա մի անկցիան մյուսի հանդեպ»³⁶: Բայց ասել, թե վերջ էր տրված նոր Ինտերնացիոնալ ստեղծելու հնարավորությանը, սխալ կլինեք: Նոր Ինտերնացիոնալը գործում էր, նա ծնվել էր բանվորական շարժման ընդերքում, Ինտերնացիոնալիստական ուժերի համախմբման ճանապարհով: Մնում էր միայն այն կազմակերպչորեն իրագործել: Սակայն նրա ստեղծման ճանապարհին Վ. Ի. Լենինը, բուլշևիկները ահագին դժվարություններ պետք է հաղթահարեին: Ապրիլյան կոնֆերանսում Զինովևն առաջարկեց դուրս չգալ Յիմմերվալդից, իբր թե «պայմանները հասունացած չեն»: Զհավատալով համաշխարհային պրոլետարիատի հեղափոխական ուժերի և հատկապես ռուսական պրոլետարիատի հնարավորություններին, Զինովևր ցույց էր տալիս,

³³ «Известия Петроградского Совета», № 121, от 19 июля 1917 г.

³⁴ Նույն տեղում:

³⁵ «Известия», № 119, от 16 июня 1917 г.

³⁶ «Правда», № 13, от 19 марта 1917 г.

որ նոր Ինտերնացիոնալի մեջ պետք է ներգրավել Յիմմերվալդի բոլոր կողմնակիցներին: Ըստ Զինովևի ստացվում էր, որ նոր Ինտերնացիոնալի մեջ կարող են ընդունվել ցենտրիստները, ձախերը և մյուս հարողները: Հակադրովելով այս թեզին, Վ. Ի. Լենինը ասում էր. «Քիչ են այն հույսերը, թե մենք որևէ մեկի էլ կգրավենք: Հարկ չկա պատրանքներ ստեղծել մեզ համար»³⁷: Զինովևը գտնում էր, որ մեր այցը Ստոկհոլմ (Ստոկհոլմի 3-րդ Յիմմերվալդյան կոնֆերանս—Հր. Դ.) վերջինը կլինի: Սակայն մեր կոսակցության մեջ դեռևս չգիտեին, որ Յիմմերվալդում մեծամասնություն են կազմում կաուցկիականները, որոնք շարունակում էին վարել «սոցիալ-սպացիֆիզմի քաղաքականությունը: Յիմմերվալդյան մեծամասնության տատանողական տակտիկան այն հետևանքն ունեցավ, որ որոշ ևրկրներում Յիմմերվալդն սկսեց արդեն արգելք հանդիսանալ հեղափոխական շարժման համար»³⁸: Զինովևը գտնում էր, որ Յիմմերվալդը պետք է մնա իր բարձրության վրա: Լենինը գրում էր. «Իր վրա վերցնելով այդպիսի վերջնական սահմանադատման (Յիմմերվալդից—Հր. Դ.) նախաձեռնությունը, մեր կոսակցությունը արդեն սկսել է համախմբել III Ինտերնացիոնալի տարրերը: Մեր տակտիկայի և Կ. Լիբկնեխտի խմբի տակտիկայի համընկնումը պատահականություն չէ, այլ մի քայլ է դեպի ծնվող III Ինտերնացիոնալը տանող ճանապարհին»³⁹: Սակայն կոնֆերանսը որոշեց մնալ Յիմմերվալդում. «Մեր պարտիան մնում է Յիմմերվալդյան բլոկի մեջ, իր առաջ խնդիր դնելով պաշտպանել այնտեղ Յիմմերվալդյան ձախ թևի տակտիկան և հանձնարարում է ԿԿ-ին՝ անմիջապես դիմել III Ինտերնացիոնալ ստեղծելու քայլերին»⁴⁰: (Լենինը գտնում էր, որ պետք է մնալ ինֆորմացիոն նպատակով և տալ մանդատ մեր պատվիրակին, անհրաժեշտության դեպքում հեռանալու կոնֆերանսից): Զինովևը հայտարարում էր, որ «մենք այնտեղ (Յիմմերվալդում—Հր. Դ.) ևղել ենք նախաձեռնող մարդիկ և պետք է այնպես անենք, որ բոլշևիկները միայնակ դուրս չդան Յիմմերվալդից, այլ դուրս գա ողջ ձախ խումբը»⁴¹: Ապա նա շարունակում էր. «Մեզ վրա վերցնելով III Ինտերնացիոնալի ստեղծումը, մենք չենք երաշխավորում (ընդգծումը մերն է—Հր. Դ.) որ մենք այն կստեղծենք հենց այժմ»⁴²: Լենինը գտնում էր, որ պայմանները դրա համար արդեն հասունացել են: Կոնֆերանսն ընդունեց Զինովևի բանաձևը, սակայն նշեց նաև, որ մեր կոսակցությունն իր վրա է վերցնում III Ինտերնացիոնալի ստեղծման նախաձեռնությունը: Քննադատելով Զինովևի բանաձևը և կոնֆերանսի որոշումը, Լենինը գրում էր. «...մրնալով Յիմմերվալդում՝ մենք (թեկուզ և մեր կամքին հակառակ) մասնակցում ենք III Ինտերնացիոնալի ստեղծման գործի ձգձգմանը, մենք կողմնակի կերպով արգելակում ենք նրա ստեղծումը, կաշկանդված լինելով իդեալապետ քաղաքականապես արդեն մեռած Յիմմերվալդի մեռած բեռով»⁴³:

Դեպքերի ընթացքը շուտով ցույց տվեց, որ Վ. Ի. Լենինը ճիշտ էր: ԻՍՀ-ը և ամենից առաջ նրա նախագահ Ռոբերտ Գրիմմը ավելի ու ավելի էր խճճվում

37 Վ. Ի. Լենին, Երկեր, հ. 24, էջ 372:

38 Протоколы Апрельской конференции, էջ 254—255:

39 Վ. Ի. Լենին, Երկեր, հ. 24, էջ 401:

40 Протоколы Апрельской конференции, էջ 255:

41 Протоколы Апрельской конференции, էջ 255:

42 Նույն տեղում:

43 Վ. Ի. Լենին, Երկեր, հ. 24, էջ 91:

ճահճի մեջ: 1917 թ. գարնանը Գրիմմը և ԻՍՀ-ը բանակցությունների մեջ մտնելու հույսով հանդիմանալու և կոմիտեի հետ, որի մեջ մտնում էին Սկանդինավյան երկրների երիտասարդ սոցիալ-շովինիստները: Բանակցությունները նպատակ ունեին համաձայնության գալ Ստոկհոլմի խաղաղության կոնֆերանսի շուրջը: Գերմանական սոցիալ-շովինիստները շեղոք երկրների իրենց զաղափարակիցների օգնությամբ ցանկանում էին այդ կոնֆերանսն օգտագործել փրկելու պարտության եզրին հասած գերմանական իմպերիալիզմին: Վ. Բ. Լենինը դեռևս մեր կուսակցության Ապրիլյան 7-րդ կոնֆերանսում մերկացրեց այդ քաղաքականությունը, որպես «սոցիալիստական կոմեդիա», ժողովրդի աչքերին թող փչելու լավագույն միջոց: «Սոցիալիստական համագումարի ամբողջ կոմեդիայի հետևում թաքնված է գերմանական իմպերիալիզմի ամենաոռավ քաղաքական քայլը»⁴⁴: Վ. Բ. Լենինն առաջարկում էր. «անպայմանորեն անկարելի համարել այդ քաղաքականությունը վարող պարտիաների և խմբերի հետ միավորվելը»⁴⁵, ստեղծել զուտ ինտերնացիոնալիստական միավորում:

Բոլշևիկները Վ. Բ. Լենինի գլխավորությամբ վճռականորեն հրաժարվեցին մասնակցել խաղաղության «սոցիալիստական» այդ «կոմեդիային» և մերկացրին նրա կազմակերպիչներին որպես իմպերիալիզմի գործակալների: Վ. Բ. Լենինը ոչ միայն դեմ էր այդ «կոմեդիային» մասնակցելուն, այլ միաժամանակ շարունակում էր իր պայքարը Յիմմերվալդից ձախերի դուրս գալու համար: Հունիսին նա գրում էր. «...Մեր պարտիայի դրությունը—ամբողջ աշխարհի բոլոր բանվորական պարտիաների հանդեպ—այժմ հենց այնպես է, որ մենք պարտավոր ենք անհապաղ ճիմնել III Ինտերնացիոնալը: Բացի մեզանից, այժմ չկա ուրիշ մեկը, որ անի այդ, իսկ ձգձգումները վնասակար են»⁴⁶: Ժողովուրդներին հարկավոր էր այնպիսի Ինտերնացիոնալ, որը միավորեր իրոք բոլոր հեղափոխական բանվորներին, որն ի վիճակի լիներ վերջ տալ մարդկային զարհուրելի ու հանցապարտ սպանդին: Իսկ այդ Ինտերնացիոնալը կարող են ստեղծել նրանք, ովքեր մարտնչում են ինչպես սոցիալ-իմպերիալիզմի, նույնպես և ցենտրիզմի դեմ:

Այն պահին, երբ բոլշևիկները Վ. Բ. Լենինի ղեկավարությամբ ակտիվ պայքարի կամպանիա էին ծավալել երկու ճակատով, Ստոկհոլմի կոնֆերանսի դեմ և Յիմմերվալդից դուրս գալու համար, ԻՍՀ-ի նախագահությունը Ռուբերտ Գրիմմի գլխավորությամբ հրապարակեց Յիմմերվալդյան 3-րդ (Ստոկհոլմ) կոնֆերանսի հրավիրման մասին շրջաբերական մի նամակ, որում հայտնվում էր այն մասին, որ հրավիրվող Յիմմերվալդյան կոնֆերանսը պետք է իր վերաբերմունքը մշակի Ստոկհոլմյան խաղաղության սոցիալիստական կոնֆերանսի հանդեպ:

Գրիմմը այդ ուղղությամբ խոշոր կամպանիա ծավալեց: Սակայն հուլանդո-սկանդինավյան կոմիտեի պլանները շուտով անհաջողության մատնվեցին: Բանը նրանումն էր, որ ֆրանսիական և անգլիական սոցիալ-շովինիստները հրաժարվեցին մասնակցել Ստոկհոլմի կոնֆերանսին: Այնուհետև կոնֆերանսի հրավիրման նախաձեռնությունը անցավ Պետրոգրադի սովետի համաձայնողական տարրերի ձեռքը: Մենշևիկ պահպանողականները, մենշևիկ-ինտերնացիոնալիստները ակտիվորեն հանդես եկան Ստոկհոլմի կոնֆերան-

⁴⁴ Վ. Բ. Լենին, Երկեր, հ. 24, էջ 289:

⁴⁵ Նույն տեղում, էջ 359:

⁴⁶ Վ. Բ. Լենին, Երկեր, հ. 24, էջ 91:

սում ցիմմերվալդականների մասնակցության օգտին։ Ստեղծված իրադրության մեջ էլ տեղի ունեցավ ՌՍԴԲ(բ)Պ ԿԿ-ի նիստը (1917 թ. մայիսի 23 (10)-ին, որտեղ միաձայն որոշվեց «պատգամավոր ուղարկել ցիմմերվալդյան կոնֆերանս՝ հանձնարարելով նրան անհապաղ թողնել այդ կոնֆերանսը և դուրս գալ ցիմմերվալդյան միությունից, եթե կոնֆերանսը արտասահմանյան սոցիալ-շովինիստների հետ որևէ ձևով մերձենալու կամ նրանց հետ միասին գործերը համատեղ քննարկելու օգտին»⁴⁷։ Դրանով ԿԿ-ն կիսով չափ ուղղեց Ապրիլյան կոնֆերանսում թույլ տված իր սխալը։ Մինչդեռ Գրիմմը և Բալաբանովան ցիմմերվալդյան կոնֆերանսի բախտը կապեցին սոցիալ-շովինիզմի և կաուցկիականության հետ։ Մի շարք խորհրդակցություններից հետո Պետրոգրադի սովետի գործկոմը ԻՍՀ-ի ներկայացուցիչների հետ միասին որոշեց կոնֆերանսը հրավիրել Ստոկհոլմի կոնֆերանսից 3 օր առաջ։ Այդպիսի որոշում կայացվեց 1917 թ. մայիսի 28—29 տեղի ունեցած խորհրդակցությունում Գրիմմի մասնակցությամբ։ Այստեղ ևս բուլշևիկ ներկայացուցիչները պնդում էին, որ ցիմմերվալդը պետք է վճռականապես տահմանազատվի սոցիալ-շովինիզմից։ Ռոբերտ Գրիմմի և մյուս ցենտրիստների նպատակն էր այնպես անել, որ ցիմմերվալդյան 3-րդ կոնֆերանսում գերակշռող տեղ զբաղի սոցիալ-շովինիզմի և պացիֆիզմի ոգին։ Մերկացնելով ԻՍՀ-ի այս քայլերը, Վ. Ի. Լենինը ստիպում էր ԿԿ-ի արտասահմանյան բյուրոյին⁴⁸, որ նա արագացի դուռ ձախ ինտերնացիոնալիստների կոնֆերանսի հրավիրումը։ «Եթե արագացվի ձախերի միջազգային խորհրդակցությունը, ապա III Ինտերնացիոնալը ստեղծված կլինի»⁴⁹—գրում էր Վ. Ի. Լենինը և առաջարկում որպես առաջին քայլ հրատարակել «ԿԿ-ի Ստոկհոլմյան եռյակի անունից (խոսքը Արտասահմանյան բյուրոյի կազմի մեջ մտնող Ռադեկի, Վորոպսկու և Գանեցկու մասին է—Հր. Դ.), գումարած լեհերից, գումարած «Arbeiterpolitik»-ից, գումարած հեգլունդից և Ընկ. հենց այժմ միջազգային կոչ միջազգային մասշտաբով միայն ձախերի խորհրդակցություն հրավիրելու»⁵⁰ մասին։ Մի այլ նամակում Վ. Ի. Լենինը նախազգուշացնում էր ԿԿ-ի արտասահմանյան բյուրոյին, որպեսզի նա չմիանա ցիմմերվալդականների հետ և բացահայտում էր Զինովևի տակտիկայի վնասակարությունը և օպորտունիզմը, որը փորձում էր իր կողմը դրավել ցիմմերվալդի ցենտրիստական մեծամասնությանը։ «Իմ կարծիքով,—գրում էր Վ. Ի. Լենինը,—դա արխիօպորտունիստական և վնասակար տակտիկա է։

«Նվաճե՛լ» ցիմմերվալդը։

Դա կնշանակեր եզրից դեն նետել մեր բոլոր սկզբունքները, մոռանալ բոլորը, որ մենք գրել և ասել ենք կենտրոնի դեմ, շփոթվենք և խայտառակենք մեզ»⁵¹։

47 Վ. Ի. Լենին, Երկեր, հ. 24, էջ 485։

48 1917 թ. մարտի 31-ին (ապրիլի 13-ին) Վ. Ի. Լենինը Շվեյցարիայից վերադառնալու ճանապարհին կանգ առավ Ստոկհոլմում և մասնակցեց ԿԿ-ի Արտասահմանյան բյուրոյի ստեղծմանը, որի ղեկավար էր նշանակվել բուլշևիկյան ականավոր գործիչ Վորոպսկին։

49 «Ленинский сборник», т. 21, էջ 57։

50 Նույն տեղում, էջ 58։

51 Նույն տեղում։

Վ. Բ. Լենինի և բոլշևիկների մղած այս պայքարը իր հաղթական վախճանին հասավ Հոկտեմբերից հետո, երբ մասսաները հավատացին, որ Յիմմերվալդի մեծամասնությունը իրոք որ իմպերիալիզմի շահերի պաշտպանություն չէր փրկում է կանգնած:

ГР. Х. ДАРБИНЯН

ИЗ ИСТОРИИ БОРЬБЫ БОЛЬШЕВИКОВ
ЗА КОММУНИСТИЧЕСКИЙ ИНТЕРНАЦИОНАЛ
ВО ГЛАВЕ С В. И. ЛЕНИНЫМ

(1917 февраль — 1917 сентябрь)

Р е з ю м е

В статье говорится о той борьбе, которую вел В. И. Ленин и руководимая им партия большевиков за создание Коммунистического Интернационала после Февральской революции в России. Эта борьба продолжалась вплоть до победы Октябрьской революции. После краха II Интернационала партия большевиков во главе с В. И. Лениным начала активную борьбу за сплочение сил, оставшихся верными идеям марксизма-ленинизма. Результатом этой борьбы явилось создание Циммервальдского объединения (1916 г.). Но вскоре выяснилось, что находящиеся в нем центристы, каутскианцы не намерены продолжать борьбу против войны и капитала. Поэтому В. И. Ленин уже в конце 1916 года поставил вопрос: выйти из этого объединения и создать революционный Интернационал только из левых, который продолжал бы лучшие традиции Интернационала Маркса и Энгельса.

Но среди большевиков были люди, которые не понимали необходимость разрыва с Циммервальдским объединением. В. И. Ленин вел непримиримую борьбу против таких тенденций и показал, что только в случае такого разрыва можно создать настоящий Коммунистический Интернационал. Октябрьская революция создала благоприятные условия для положительного решения этого вопроса.